



Cov Lus Qhia los ntawm Federal Trade Commission (Tsoom Fwv Teb Chaws Pawg Tub Coj Xwm Saib Xyuas Kev Lag Luam)

Kev Khaws Cov Khoom tom qab Muaj Xwm Txheej Kev Puas Tsuj Loj Tas

Kev daws teeb meem rau xwm txheej kev puas tsuj loj yeej tsis yooj yim. Nov yog qee cov lus qhia los pab koj zam kom tsis txhob muaj kev raug dag ntxias tom qab muaj xwm txheej kev puas tsuj loj tas, tiv thaiv koj cov ntaub ntawv ntiag tug, thiab txoj hauv kev yuav rov qab los taug txoj kev fab nyiaj txiag.

Txoj Hauv Kev Zam Kev Raug Dag Ntxias los ntawm Kev Tu Vaj Tsev Kom Huv thiab Kev Kho Khoom

- **Tsis txhob ntseeg cov neeg uas cog lus tias yuav tu vaj tsev kom huv thiab kho khoom kiag tam siv.** Tej zaum qee tus neeg yuav hu tus nqi siab dhau, thov kom xub them nyiaj ua ntej, los sis twb tsis muaj kev txawj los ua txoj hauv lwm uas xav tau.
- **Tshuaj xyuas cov neeg cog lus ua hauj lwm rau koj.** Ua ntej koj yuav them nyiaj, nug lawv daim ID, ntawv tso cai, thiab pov thawj kev tuav pov hwm. Tsis txhob ntseeg tej lus cog tseg uas tsis sau kom muaj ntaub ntawv.
- **Tsis txhob them nyiaj los ntawm kev xa hauv wire transfer, daim npav khoom plig, nyiaj crypto, los sis nyiaj ntsuab.** Thiab tsis txhob them nyiaj kom tag nrho kom txog thaum twb ua hauj lwm tiav log thiab koj txaus siab lawm.

Kev Ntsia Cov Neeg Dag Ntxias Uas Tsab Ua Lwm Tus Neeg

- **Nco ntsoov tias FEMA yuav tsis sau tus nqi ua daim ntawv thov.** Yog tias ho muaj ib tug neeg twg kom koj them nyiaj los pab ua kom koj tau txais cov nyiaj FEMA, ces nws yog kev dag ntxias lawm xwb. Qhov chaw zoo tshaj plaws rau kev saib cov ntaub ntawv qhia paub yog [FEMA.gov](https://www.fema.gov).
- **Tiv thaiv koj cov ntaub ntawv ntiag tug.** Tsuas yog cov neeg dag ntxias xwb thiaj li yuav hais tias lawv yog cov neeg ua hauj lwm rau tsoom hwmv thiab thiaj yuav thov nyiaj los sis thov koj daim npav credit, tus askhauj txhab nyiaj txiag los sis tus nab npawb Xaus Saus.
- **Paub cov cim qhia txog kev ntxias los ntawm kev xauj vaj tsev.** Yog tias muaj ib tug neeg twg hais kom tso nyiaj khiab tseg ua ntej los sis them nqi xauj tsev ua ntej uas koj tau ntsib nws los sis kos npe rau daim ntawv xauj tsev, ces qhov ntawd yog kev dag ntxias. Ua zoo saib kom tseeb.

Txoj Hauv Kev Yuav Rov Qab Los Taug Txoj Kev Fab Nyiaj Txiag

Tej zaum koj yuav tau tawm hauv tsev yam tsis muaj IDs, nyiaj tshev, npav credit thiab debit, thiab lwm yam ntaub ntawv. Thiab tej zaum koj yuav tsis tuaj yeem nkag tau mus rau koj tus asqhauj txhab nyiaj txiag los sis daim tshev them nyiaj ib ntus. Yuav mua dab tsi tshwm sim nyob rau tom ntej?

Kev Tuav Tswj Nyiaj Txiag

- **Tshaj qhia kev ua cov credit, ATM, los sis npav debit ploj** rau lub tuam txhab tawm daim npav kom sai li sai tau.



- **Nco ntsoov tshaj qhia rau koj tus tswv ntiav hauj lwm.** Yog tias lub chaw ua hauj lwm kaw lawm, los sis yog tias koj mus tsis tau, ces nug seb koj puas tuaj yeem tau txais koj daim tshev nyiaj thiab cov txiaj ntsig mus ntxiv lawm.
- **Hu rau koj lub tuam txhab yog tias koj tau txais cov kev pab cuam los sis cov txiaj ntsig rau zej tsoom.** Hu rau xaus Saus ntawm 1-800-772-1213 los sis Feem Saib Xyuas Hauj Lwm Qub Tub Rog ntawm 1-800-827-1000.



Kev Tuav Tswj Credit

- **Tshaj qhia dawb txog koj li credit** ntawm [AnnualCreditReport.com](https://www.annualcreditreport.com). Qhov no tuaj yeem pab tau yog tias koj tau ua cov ntaub ntawv nyiaj txiag ploj lawm thiab xav txheeb xyuas cov creditors.
- **Tham nrog cov creditors, cov tswv tsev, thiab cov tuam txhab roj/dej/hluav taws xob kom sai li sai tau.** Tej zaum lawv yuav txaus siab pab koj kom tsis txhob tau them cov nqi nplua rau kev them nyiaj qeeb lig, kev txiav tsis pub siv, thiab kev txeeb rov qab.

Txoj Hauv Kev Hloov Pauv Cov Ntaub Ntawv Uas Puas Tsuj los sis Ploj Mus Lawm

Ntawm no yog daim ntawv teev cov npe tias seb yuav mus nrhiav dab tsi nyob rau qhov twg

- **Cov ntaub ntawv dej av vaj tse:** Lub nroog lub chaw tawm ntaub ntawv dej av vaj tse
- **Nyiaj yuav tsev:** Tus neeg qiv nyiaj los sis cov neeg pab cuam nyiaj yuav tsev
- **Cov ntawv xauj tsev:** Tus tswv tsev los sis lub tuam txhab tuav tswj vaj tse
- **Ntawv tsheb/ntawv tso cai tsav tsheb:** Tus tub tuav ntaub ntawv ntawm lub lav los sis feem hauj lwm saib xyuas tsheb
- **Daim ntawv pov thawj yug me nyuam:** Lub chaw ua hauj lwm fab kev teev ntaub ntawv tseg uas tseem ceeb los ntawm lub nroog uas koj yug
- **Daim npav Xaus Saus:** Lub chaw ua hauj lwm Xaus Saus hauv koj cheeb tsam

Hais txog rau cov ntaub ntawv qhia paub ntau ntxiv thiab cov lus qhia, mus saib ftc.gov/WeatherEmergencies

Cov Peev Txheej Hauv Cheeb Tsam

Sau koj tus kheej cov npe tiv tauj ntawm cov kev pab cuam tiv thaiv cov neeg siv khoom thiab kev pab cuam thaum muaj xwm txheej ti tes ti taw hauv cheeb tsam rau lub npov hauv qab no (saib qhov piv txwv uas yog siv Florida). Tom qab ntawd muab luam tawm los thiab muab faib rau koj lub zej zog.

